



八十八祖傳贊

明 匡廬憨山釋德清述  
秀水寓公高承埏補



清刻龍藏佛說法變相圖

重編八十八祖道影傳贊序

藝六

諸祖道影八十有八國初自大內傳寫安奉  
 金陵之祖堂萬曆甲申紫栢大師得新安丁  
 南羽臨寫三堂散置名山乙卯憨山大師更  
 臨小冊各為傳贊以繫其後崇禎壬申嘉禾  
 錢仙上鋟板以行其傳贊之文止七十有七  
 缺者十一歲甲申予同年生構李高寓公虞  
 部為撰補十一篇又以雲棲紫栢憨山三大  
 師益之甫謀鐫布以變中止今歲秋與寓公  
 長君念祖再晤廣陵出其稿示予欲付剞劂  
 以竟先志予力贊其決念祖因以 言請夫  
 是編之從來與其所以利益于世羣公言之  
 詳矣予奚以益哉抑聞古聖賢之所以垂訓  
 於世者有言有心而更有身言屬書為教心  
 屬道為宗不讀其書道不可得聞也即盡讀

其書道未必遂聞也求道于言而子已有予  
欲無言之說則言不足恃求道于心而釋又  
有覓心了不可得之說則心亦未易恃然則  
釋之漸進于佛與儒之漸進于聖賢者將安  
所從事哉亦求諸其身而可矣傳之云者即  
其人之行以存其入之道也孔子云吾無行  
而不與二三子者孟子云服堯之服誦堯之  
言行堯之行是堯而已夫古聖往矣而其身  
之閱歷與其所以入道而進德者其跡不與  
俱往故讀鄉黨篇而孔子之所以聖可得而  
師也讀孟子七篇而子輿氏之所以賢可得  
而師也推之邵周程張朱陸諸大儒誠即其  
書稽其言考其行其入之所以不愧聖賢者  
亦皆可得而師也今茲八十八祖之中西天  
之祖師東土之教外別傳曹溪以下五宗之

傳燈旁出其間若禪師若教主若戒律若淨  
土以至慈恩賢首天台瑜伽之諸宗不一然  
其傳心嗣法與其行解之卓然可述者于是  
乎備矣誠由諸傳而尋繹之觀其所以出世  
則超越者可師也觀其所以治心則精純者  
足法也今有腰石任春利刀斷臂之猛以求  
師則罔不誠矣有三登投子九上洞山之勤  
以質學則罔不徧矣有章安五載雪被冰牀  
之寂以栖山則罔不安矣有天台九旬鳥巢  
衣緝之靜以安禪則罔不遺矣有臨濟築拳  
斷崖奪拂之利以當機則罔不超矣有蓮池  
愍山之晝夜念佛課六萬聲求明之持誦法  
華萬三千部以脩淨業則罔不辦矣有道林  
之鳥窠松雪峰之枯木杙高峰之死限三年  
千巖碧峰紫栢之脇不至席以冥心入悟則

罔不徹矣學者惟志之弗立耳如有志高蹤  
逸軌無所取之取諸此足也若夫撥火而悟  
生觀影而疑釋或言句之盡捐或心法之雙  
泯則孔氏有不能私之于伯魚釋迦有不能  
遽授之阿難者諸祖奚爲而傳與贊又奚爲  
也吾度今之從事于道者儒未必皆顏淵釋  
未必皆雲門趙州丹霞其人也則亦語其常  
焉而已抑是編緣起紫栢大師肇之愍公廣  
之錢仙上承之寓公父子終之其功于諸祖  
一也然其自大內以入祖堂實在洪武戊申  
而紫栢大師之臨寓寓公之續傳其歲皆在  
甲申是書之成遂與國運相終始矣異哉念  
祖之竟厥先志其亟誠宜而以成明三百年  
梵典一大異書繫不尤重耶康熙庚戌秋九  
月望日盱江荷山髯僧徐芳題

又題高氏父子八十八祖傳贊序跋  
予觀高工部寓公序考最精詳叙次有法其  
長君念祖跋援引透切不厭煩牘大意俱在  
剖破諸宗之藩籬使同歸于圓通法海立論  
至平至正每念尼山苦縣猶龍見稱慧遠靜  
修虎溪時過古聖眼濶心虛殊途同歸毫無  
彼此崖異之見後世不窺本源空持門戶不  
但儒釋分疆有若敵國甚至朱陸之同宗孔  
孟而彈射交加洞濟之竝出曹溪而干戈迭  
樹亦見其胸眼之淺而隘也得高氏父子之  
論可以嗒然返矣  
高寓公虞部補愍大師八十八祖道影傳贊  
叙  
如來出世最初轉四諦法輪最後付別傳妙  
心教分五時戒合七衆至淨土一門則佛法

已滅猶閱千年有能識阿彌陀佛四字者皆  
據高座蓋慈憫衆生曲垂方便若論此事間  
不容髮靈山話月曹溪指月皆爲添足盡天  
下善知識全體作用未有當頭道著者豈可  
於夢幻法中更分高下耶八十八祖真儀出  
自大內供於祖堂紫栢尊者廣之憨山大師  
傳而贊之高窩公虞部補之禪宗教律密淨  
諸門備矣菩薩護念以衆生故門門皆闢不  
專一路而於各門中容有未脩有像則設偶  
爾成文無像不補終非捏合正得法海波瀾  
之妙寓公令嗣念祖過凌江出示因得卒讀  
而叙其意念祖家世爲吾法金湯流通此書  
即以顯其先人廣大願力如來謂生菩薩家  
爲世間最難則其於菩薩家繼志述事夙因  
所會有不期然而然者予於高氏不能不深

生歎仰也康熙壬子長夏丹霞今釋題於龍  
護園

重編憨山禪師八十八祖傳贊序

吾友錢而介曾刻八十八祖傳贊余簡之止  
七十有七意未釋然因至海鹽鷹窠頂寺禮  
諸祖像及憨公手書傳贊其有像無傳者則  
雪巖欽無用寬鐵山瓊斷崖義絕學誠季潭  
泐松隱然無一全本空照大滿大以及慧約  
國師也亟爲補綴成書編次四卷西天祖師  
二十七人又旁出一人東土應真則康居會  
佛圖澄寶誌公三人教外別傳凡四十有四  
人自初祖傳至六祖又四祖下旁出烏窠一  
人五祖下旁出者一行傳瑜伽密宗六祖下  
旁出者永嘉傳天台宗清涼圭峯傳賢首宗  
其得六祖真傳者青原南嶽二甘露門南嶽

贊

五

二十五人未分宗派時四瀉仰一臨濟二十  
內中峯兼傳淨土青原九人未分宗派時亦  
四曹洞雲門各二法眼一求明兼傳淨土又  
未詳嗣法者無一本空大滿三人教主凡十  
有六人淨土則遠公法照合求明中峯而四  
台宗則灌頂法智合求嘉而三賢首則法藏  
合清涼圭峯而三密宗則不空合一行而二  
慈恩則玄奘窺基而二律師則鍾山惠約及  
南山道宣而二凡有志于教與禪者庶幾因  
慙公傳贊見諸祖之道影即恍得諸祖之心  
印乎至慙公嘗贊雲棲紫栢及自爲贊余各  
纂小傳附其後庶見聞者知古今人不相遠  
也噫憍陳如暨二十七祖外東土僅六十人  
耳而十五人爲浙產若律宗之惠約若賢首  
之清涼若台宗之灌頂求嘉法智若禪宗之

天皇鳥窠若曹洞之始祖若法眼之求明若  
雲門之振宗若臨濟之雪巖中峯斷崖千巖  
全室亦可謂彬彬盛矣且季漢延熙時康僧  
會肇造三寺于孫吳境內爲建業之建初太  
平之化城與我郡海鹽金粟山之廣慧寶江  
南梵刹之始唐會昌四年黃檗運建我郡水  
西寺大中元年又建祥符寺後梁雪峯存隱  
我郡之真如手鑿一井其泉甘冽今在寺中  
梁天監間寶誌公于許玄度宅址建開善資  
寶寺在今蕭山達磨尊者開基之證果寺在  
今湯溪而靈芝之佛印臯亭之黃龍徑山之  
佛鑑天目之高峯松隱並開法杭境又紹之  
大雲寺更有大珠慧海而法藏曾禮四明阿  
育王舍利塔一行亦曾訪算法于天台國清  
寺異僧瀉山叅方則在杭州龍興寺是兩浙

尊宿且有二十九人豈諸方得同日而語哉  
書成之十年陳尚書秋濤年伯先父玄期府  
君已未同榜也于曹溪錄示愍公原稿爲陳  
如尊者及三十三祖道影贊爲諸祖道影略  
傳贊四十有八而婁約以下十一公仍闕惟  
別見雲門法眼及傳大士白雲覺四贊以無  
像故置之或曰獨不念及二宗始祖乎余謂  
佛教初流東土譯經圖像建立塔寺剃度僧  
尼實始于啟道圓通法師摩騰三藏而竺法  
蘭偕至洛陽受戒講經及西遊取經實始于  
穎川沙門朱士行而法顯繼踰葱嶺以至律  
宗之始法時天台宗之始慧文賢首宗之始  
法順瑜伽密宗之始金剛智成不得與蓮宗  
之祖慧遠禪宗之祖達磨慈恩宗東土之祖  
玄奘同見集中者正以傳贊一視祖堂道影

道影所無傳贊遂不得而有也且楚石琦公  
爲本朝第一流宗師偶以祖堂無像遂爾傳  
贊闕如原未嘗以此爲軒輊夫復何疑曹溪  
所錄愍公諸祖道影後語與題辭迥異因並  
存之道影今供養鷹窠頂寺前有董尚書思

墓

七

白書覺影相承四大字而金粟密雲悟公亦  
書其端云認影迷頭則昧先覺覺後覺一折  
一攝妙旨冷然徑山雪嶠信公序及陳徵君  
眉公記是又網魚弋兔不惜筌蹄者也賜同  
進士出身工部尚書郎前遷安寶坻涇縣令  
蒙溫旨叙功紀錄旌異檇李寓公高承延澤  
外父纂時崇禎閱逢涸灘之歲良月穀旦  
諸祖道影傳贊題辭  
諸祖道影八十八尊向闡藏大內國初寫傳  
安奉南京祖堂萬曆甲申中達觀禪師勸丹

陽弟子賀氏請丁雲鵬名筆臨寫三堂散置  
名山其二送五臺峨眉其一送南嶽者儀部  
金簡曾公請歸湖東予度嶺之南嶽寓湖東  
乙卯秋兵憲吳公同大叅馮公過訪因設像  
瞻禮吳公大生歡喜欲臨小冊以便隨奉適  
遇荆門丹青史家公命摹寫予因得一冊比  
欲爲傳贊未能也及予投老匡山之四年庚  
申徂夏以舊嬰溼疾舉發痛不可忍藥石無  
効無可抵者乃考傳燈統記諸書纂爲小傳  
各系以贊力疾書之凡一舉筆寂爾忘身不  
知所痛及冬方完其痛亦止以此未必不仗  
諸祖法力加持也吳公諱中偉號生白馮公  
諱時可號文所併記之以曉來者萬曆四十  
八年歲次庚申冬十月朔匡山逸叟慈山沙  
門釋德清書時年七十有五

題諸祖道影後

諸祖乃傳佛心印之宗師也憶昔世尊說法  
靈山常隨弟子千二百五十人及佛末後拈  
花迦葉破顏微笑遂傳心印爲教外別傳之  
旨是爲禪宗二十八代至達磨大師遠來東  
土六傳而至曹溪下有南嶽青原以分五宗  
由梁唐至宋元得一千八百餘人皆世挺生  
豪傑之士塵垢軒冕薄將相而不爲故歸心  
法門一言之下了悟自心使歷劫生死情根  
當下頓斷遂稱曰祖豈不毅然大丈夫哉嗟  
此末世去佛時遙既不預靈山嘉會而此土  
諸祖出世又不能親近入室故沉迷至今而  
不返者亦可悲矣久聞大內藏有歷代諸祖  
道影新安高士丁雲鵬者丹青之妙不減僧  
繇道子偶得內稿本八十八尊達觀禪師命

畫四堂其一置西蜀峨眉其一置金陵祖堂  
其一置匡山五乳一置南嶽曾儀部金簡居  
士請歸湖東觀察脩兵吳公生白一日過訪  
隨喜見而歎曰此真光明幢也會荆門畫士  
史家善肖像遂命臨一冊竊觀公手采高遠  
有翩翩出塵之度故望影而歸命蓋亦曾親  
近入室中來昔裴休見壁間高僧真儀問黃  
檠曰真儀可觀高僧何在檠呼曰裴休休應  
諾不覺愕然遂大悟予想公夙種般若深根  
悟心不在裴丞相後故爲集諸祖略傳各爲  
贊以致公將爲家傳心印也卷六 九 慈山釋德清述  
祖師傳贊序

箋眉目者哉跋之詠之昔時今時許弄管成  
文章始得譬日月濶步虛空大開局面照徹  
四隅天上天下何人敢撮摩其冷暖乎橋李  
雁道人錢而介手書慈山老人八十八祖傳  
贊同其仲竹居士募諸士而梓之以傳布天  
下名山噫是傳諸老之心耶抑傳諸老之影  
耶若道傳如第二月即非真月若道不傳月  
落萬川處處皆圓雖然慈道人書之于冊雁  
道人書之于板真手不壞真性不滅竹居士  
倡之高寓公孫敷公衆居士和之福與慧雙  
施與寫珥矣經云若有人以七寶滿恒河沙  
數布施若有人以恒河沙等身布施若復有  
人聞此經典信心不逆其福勝彼何況書寫  
受持讀誦爲人解說諸老直欲傳心如來不  
作誑語也徑山釋圓信題

又序

余刻祖師傳贊成客有謂余曰子之傳贊書則工矣何不併其像而梓之令見者聞者悉發歡喜學士得觀文思義庸夫亦見相發心顧不善與余應曰唯唯否否客第知繪像之善而不知繪像之難也夫諸佛菩薩之相形如滿月具無上莊嚴三十二妙百千種好故能令衆生見者無不歡喜而此諸老或清或奇或古或怪大率皆長耆粗髮道貌癯顏必藉丹青點染繪爲碧眼方瞳紫欄紅袖然後見其矚目之軒昂衣褶之古拙若但澹澹白描粗粗筆仗惟有髮根面皺條條點點陡露印板痕即見者合掌恭敬尙有毫髮遺憾便增上慢何如獨梓其傳贊令讀之者知其爲誰氏之子某邦之產何年付法何地傳衣痛

棒熱喝笑罵一堂山空谷響諸老且揚着吐氣如在如生威儀動靜亦可髣髴其萬一也即有以不見其像爲恨者流連追慕亦謂一時缺典然暗中摸索默地思惟輒作絲繡金鑄梅檀寶飾之想而此諸老不儼然具大人相從空現出丈六金身翻令人想見丰采而眷戀無窮也哉且此事亦大有因緣非一人一手之力余得藉孫敷公高寓公諸子以克成此帙緬維歲月連師臨寫爲三堂寔始甲申慈公傳贊于冊葉則以庚申今余手壽諸梨東復遇壬申綿歷四紀宛轉多人終始于申若有神合豈偶然哉豈偶然哉雖然此亦一時權語也浸假而數年使余書稍進余力稍厚諸子或更有同心尚將倩名筆繪像復出敝帚勤之於瑤瑛之石客以爲何如構李

錢應金仙上撰

祖師道影傳贊記

附

國初大內有祖師畫像八十八尊供牛首山之祖堂達觀師屬新安名手丁南羽重摹分送五臺峨眉南嶽則萬曆甲申歲也曾儀部攜南嶽本歸湖東慈公轉示吳兵憲生白兵憲又屬史生臨一冊自隨則乙卯秋也其後吳公擢嶺南大方伯復遇慈公請補傳贊而手書之則泰昌庚申歲也吳公謂藏于家不若藏于山即授鷹窠頂寺僧心燈供養則天啟癸亥歲也心燈裝潢四冊貯之朱匣托錢而介爲介走余山索予爲之記其始末予兒夢蓮八歲孫先覺皆得瞻禮則崇禎辛未九月也先覺問曰金剛經是相非相然乎予曰孺子何知張永嘉相公欲去宣尼塑像引程

子云父母像倘有一毫不類與拜別人同吾鄉徐文貞爭曰倘有一毫似人子其忍委而棄之永嘉無以對此冊祖影之公據也堂堂龍象色正芒寒方冊之中如建塔廟如兩舍利但無千百億化身應現于天下名山耳孫雖乃稽首唯唯而退雲間陳繼儒着公題

重訂慈山禪師八十八祖道影傳贊目錄

明秀水高承延寓公父編次

卷一

西天二十七代祖師又旁出 一人

阿若憍陳如尊者旁出

卷六

十三

初祖摩訶迦葉尊者

二祖阿難陀尊者

三祖商那和修尊者台宗尚有阿難旁出 末田地尊者

四祖優波鞠多尊者

五祖提多迦尊者

六祖彌遮迦尊者

七祖婆須蜜尊者台宗不卷

卷二

八祖佛陀難提尊者

九祖伏駄蜜多尊者

十祖脇尊者

十一祖富那夜奢尊者

十二祖馬鳴大士

十三祖迦毘摩羅尊者

十四祖龍樹尊者台宗稱為高祖論主 龍樹尊者一相大禪師

師

十五祖迦那提婆尊者

十六祖羅睺羅多尊者

十七祖僧伽難提尊者

十八祖伽耶舍多尊者

卷七

十三

十九祖鳩摩羅多尊者

二十祖闍夜多尊者

二十一祖婆修盤頭尊者

二十二祖摩拏羅尊者

二十三祖鶴勒那尊者

二十四祖師子尊者 已上即繫台宗所承西土二十四祖

二十五祖婆舍斯多尊者 已下三祖台宗不承

二十六祖不如蜜多尊者

二十七祖般若多羅尊者

漢李六朝神僧

漢 吳 建業建初寺超化禪師康僧會

晉 後 趙鄴都鄴宮寺大和尚西竺佛圖澄

晉 運宗初祖潯陽廬山東林寺正覺圓

悟妙覺寂光宏辯大師慧遠 是為淨土蓮宗

十祖名號并贊附

梁建康鍾山華林園道林真覺菩薩慧

威慈應普濟聖師寶誌

梁建康草堂寺菩薩戒國師智者婁惠

約

梁隋唐三朝東土六代祖師

梁 後 魏禪宗初祖雒州嵩山少林寺圖覺

禪師南天竺菩提達磨 是為教外別傳

隋禪宗二祖太湖司空山大祖禪師慧

可

隋禪宗三祖舒州皖公山鑑智禪師僧

璨

唐禪宗四祖蘄春破頭山大醫禪師道

信

唐禪宗五祖黃梅馮茂山大滿禪師弘

忍

唐禪宗六祖韶州南華山曹溪寶林寺

大鑑真空普覺圓明禪師慧能

卷三

唐朝教主

性宗天台五祖天台國清寺結集宗教

章安尊者總持大禪師灌頂是為四教法性

觀行宗台宗十  
七祖名號附

相宗慈恩二祖京兆大慈恩寺三藏法

師玄奘是為三乘法相顯理  
宗慈恩三祖名號附

律宗九祖京兆終南山絳麻蘭若澄照

法慧律師道宣是為行事防非止惡  
宗律宗九祖名號附

相宗慈恩三祖京兆大慈恩寺百部論

師窺基

性宗華嚴三祖京兆大薦福寺賢首菩

薩戒師贈鴻臚卿康居法藏是為一  
念關融

具德宗華嚴  
五祖名號附

蓮宗四祖長安五會國師法照

密宗瑜伽二祖京兆大興善寺灌頂智

藏國師特進鴻臚卿加開府儀同三

司肅國公食邑三千戶贈司空大辯

藝

十五

正廣智三藏不空金剛是為瑜伽秘  
密微妙宗家

宗五祖  
名號附

唐朝禪師

吉州青原山靜居寺弘濟禪師行思禪  
宗

六朝下  
一世

衡州南嶽般若寺大慧禪師懷讓禪宗  
六祖

世下

性宗天台七祖弟子永嘉真覺無相大

師明道玄覺禪宗六  
祖旁出

密宗瑜伽五祖東都嵩山罔極寺大慧

禪師一行禪宗五祖旁出玉泉  
神秀下嵩山普寂嗣

江西洪州龍門山大寂禪師馬祖道一

南嶽下  
一世

衡州南嶽石頭庵無際禪師希遷青原  
下一

世

性宗華嚴四祖京兆大華嚴寺教授和

尚大統清涼鎮國大師天下大僧錄

大休禪師澄觀禪宗六祖旁出荷澤神會下五臺無名嗣

荊州天皇寺禪師道悟景德傳燈錄列青原下二世

越州大雲寺大珠禪師慧海南嶽下二世馬祖旁

宣州水西山斷際禪師黃檗希運南嶽下三世後出臨濟宗

潭州大馮山同慶寺大圓禪師靈祐南嶽下三世馮仰宗

性宗華嚴五祖京兆終南山草堂寺主

峯蘭若大德定慧禪師宗密禪宗六祖旁出荷澤會下四世繁荆南道圓嗣

鎮州臨濟院慧照禪師義玄南嶽下四世臨濟宗

筠州洞山悟本禪師良价青原下四世曹洞宗

撫州曹山元謬禪師耽章本寂青原下五世曹

十六

繁六

十六

十六

十六

洞宗

宗

杭州秦望山烏窠圓修禪師道林禪宗四祖

旁出牛頭法融下七世繁徑山道欽嗣

後梁禪師

福州雪峯山真覺禪師義存道悟下二世後出雲

門法

後漢韶州雲門山光泰院大慈雲匡真

弘明禪師文偃贊附道悟下四世祖堂無像不立傳

後周南唐江寧清涼院淨慈玄覺大法

卷四

宋朝禪師

汝州首山禪師省念南嶽下八世臨濟宗派

蓮宗六祖吳越杭州南山慧日求明寺智

覺應真宗照禪師延壽禪宗道悟下八世繁法眼

文益下天台德韶嗣

潭州石霜山慈明禪師楚圓南岳下世臨濟宗

派後分出楊岐黃龍二支

越州天衣寺振宗禪師義懷道悟下八世雲門

宗雪竇重顯嗣

南康匡廬山歸宗寺佛印禪師覺老了十七

元道悟下八世雲門宗開先善暹嗣

隆興黃龍寺普覺禪師慧南南岳下十世臨濟

宗黃龍支

袁州楊岐山禪師方會南岳下十一世臨濟宗楊岐支

舒州白雲山海會浣禪師守端南岳下十二世

臨濟宗楊岐嗣

黃梅五祖山禪師法演南岳下十三世臨濟宗楊岐孫

後出虎印派

杭州徑山佛鑑圓照禪師無準師範南岳

下十九世臨濟宗虎印派

宋朝法師

性宗天台十七祖慶元四明山延慶院

法智大師約言知禮

元朝禪師

袁州仰山禪師雪巖祖欽南岳下二十世臨濟宗虎

派印

安慶太湖山禪師無用寬南岳下二十世臨濟楊岐

派金牛真嗣

杭州西天目山師子巖佛日普明廣濟

禪師高峯原妙南岳下二十一世臨濟宗虎印派

衡州南嶽禪師鐵山瓊南岳下二十世臨濟虎印派

雪巖欽旁出

蓮宗八祖杭州天目山師子正宗寺佛

慈圓照廣慧智覺普應國師中峯明

本禪宗南岳下二十二世臨濟宗虎印派

杭州天目山師子正宗寺佛慧圓明正

覺普度大師斷崖了義南岳下二十世臨濟宗

虎邱派高

峯妙旁出

龍興般若寺禪師絕學世誠南岳下十二世臨濟宗

濟宗虎邱派雪巖祖

欽旁出鐵牛持定嗣

藝六十八

婺州伏龍山聖壽寺普應妙智弘辯佛

慧圓明廣照無邊普利大禪師千巖

元長南岳下二十三世臨濟宗虎邱派

廣德石溪禪師無一全嗣法未詳再考

廣德石溪禪師本空照嗣法未詳再考

大滿大禪師嗣法未詳再考

明朝禪師

僧錄司右善世掌天下僧教事南京大

天界寺住持前徑山五十五代禪師

季潭宗泐南岳下二十一世臨濟宗楊岐派笑隱大師嗣

南京大天界寺寂照圓明大禪師碧峯

寶金

南岳下二十二世臨濟宗楊岐派無用寬下如海真嗣

杭州府西天目山師子正宗寺禪師前

松隱庵主唯庵德然南岳下二十二世臨濟宗示虎邱

派千巖元長旁出

卷五 附

杭州徑山禪師雪嶠圓信南岳下三十世臨濟宗

虎邱派

萬曆間賜紫衣三禪師

蓮宗十祖杭州府重興雲棲寺蓮池禪

藝六十七

師株宏

嘉興府重興楞嚴寺達觀禪師真可

韶州府重興曹溪南華寺憨山禪師德

清

八十八祖傳贊卷之一

明 匡廬憨山釋德清述

秀水寓公高承弭補

陳如尊者傳

阿若憍陳如尊者阿若名也此云解陳那或云陳如此云火器姓也以先世從事遂以為氏佛之母族也以佛初出王宮入山時有五人隨侍陳那其一也後佛在山修行五人去佛各修異道及佛六年苦行初成道時詣鹿野苑五人聞之俱集佛最初說三轉四諦法輪問五人云汝等解否尊者先答云已解故佛即云阿若憍陳那故得此名佛度常隨弟子一千二百五十人以陳那先悟故居僧首率先得度蓋有夙因按因果經佛昔為忍辱仙人在山修道陳那為王名歌利王性最暴

惡一日將諸綵女入山遊獵王倦假寐綵女入林採花至仙人庵前仙人為說法良久王寤不見諸女攜劍尋之見在仙所王怒問曰汝何人耶答忍辱仙人也王問得上地定否答曰未王曰既未得定乃凡夫耳遂拔劍截下仙人手足仙人神色不動王曰汝恨我耶仙曰不恨願我成佛先度于王今先度陳那即歌利王也贊曰

象王遊行象子隨至聲氣相求緣會而聚以寬最重為道至親如車合轍是必有因

初祖迦葉尊者

西天初祖摩訶迦葉尊者摩竭陀國人姓婆羅門摩訶梵語此云大迦葉波云飲光名也父飲澤母香志師生而金色因昔為鍛金師善明金性過去有佛名毘婆尸入滅起塔塔

贊

三

中像壞時有貧女將金珠往金師所換金飾  
像因捨之二人發願爲夫婦由是因緣感九  
十一劫身皆金色久在天上後生摩竭陀國  
身色金明故稱爲飲光見佛志求出家佛言  
善來比丘鬚髮自除袈裟者體常于衆中稱  
歎第一習頭陀行是稱金色頭陀佛將涅槃  
拈花示衆衆罔然惟尊者破顏微笑佛言吾  
有正法眼藏實相無相微妙法門涅槃妙心  
用付于汝善自護持乃說偈曰法本法無法  
無法法亦法今付無法時法法何曾法是爲

禪宗始祖贊曰

金色之形金剛爲心奉持慧命常轉法輪  
世尊拈花破顏一笑至今令人思議不到

二祖阿難尊者傳

二祖阿難尊者王舍城人姓刹利帝父斛飯

贊

三

王實佛之從弟也梵語阿難陀此云慶喜亦  
云歡喜如來成道夜生因爲之名多聞博達  
智慧無礙世尊稱爲總持第一夙生世世從  
事諸佛受持法藏故今從佛出家爲侍者佛  
所說法一字不遺故佛滅後結集法藏皆從  
口宣迦葉問諸大衆阿難所言不錯謬乎皆  
曰不異世尊所說迦葉乃告阿難我今年不  
久留今將正法眼藏付囑于汝汝善護持聽  
吾偈言法法本來法無法無非法何于一法  
中有法有不法說偈已迦葉乃持僧伽黎入  
鷄足山入定候慈氏下生阿難是爲二祖贊  
曰

多聞如海飲縮法流諸佛出沒不離舌頭  
鼓簧法化節拍成令是故我師爲偏中正  
三祖商那和脩尊者傳

三祖商那和脩尊者摩突羅國人也姓毘舍多父林勝母憍奢耶在胎六年而生梵語商諾迦此云自然服即西域九節秀草名也若聖人降生則此草生于淨潔之地尊者生時瑞草斯應昔如來行化至摩突羅國見一青林枝葉茂盛語阿難曰吾滅後一百年有比丘商那和脩于此林中轉妙法輪後果誕和脩受慶喜尊者法眼止此林中降二火龍龍施其地以建梵宮尊者化緣既久思付正法適吒利國優波毘多來歸以爲給侍問毘多曰汝年幾耶答言我年十七者曰汝身十七性十七耶答曰師髮已白爲髮白耶心白耶者曰我髮白非心白也多曰我身十七非性十七也尊者知是法器後三年遂爲落髮受具乃告曰昔如來以正法眼無上妙法付囑

樂

三

迦葉展轉至我我今付汝勿令斷絕聽吾偈言非法亦非心無心亦無法說是心法時是法非心法是爲三祖贊曰  
般若靈根夙生已證故師將出瑞草先應以心印心如火投火狹路相逢定沒處躲  
四祖優波毘多尊者傳  
四祖優波毘多尊者吒利國人也姓首陀父善意十七出家二十證受三祖心印隨方行化得度甚衆由是魔宮震動波旬愁怖遂竭魔力以害尊者尊者入定魔持瓔珞縻之于頸及出定乃取人狗蛇三尸化爲華髮軟語酬之魔喜受而繫之即爲臭尸蛆蟲壞爛厭惡不堪盡其魔力竟不能去乃哀求之尊者令魔歸三寶懺悔改過得脫尊者每度一人置一籌于石室室方丈充滿其間後有一長

者子名曰香來來乞出家尊者問曰汝身出家心出家耶答我來出家非爲身心者曰不爲身心誰復出家答曰夫出家者無我我故無我我故即心不生滅心不生滅即是常道諸佛亦常心無形相其體亦然者曰汝當大悟心自通達即爲剃度授具足戒仍告曰汝父夢金日而生汝可名提多迦謂曰如來以大法眼藏次第至我我今付汝勿令斷絕善自護持聽吾偈言心自本來心本心非有法有法有本心非心非本法是爲四祖贊曰

一人心空魔宮震動握金剛鉢誰敢輕弄  
若肯回光狂心頓歇禮拜歸依諸罪消滅

五祖提多迦尊者傳

五祖提多伽尊者摩伽陀國人也梵語提多迦此云通真量初生時父夢金日自屋而出

照耀天地前有大山諸寶嚴飾山頂泉涌滂沱四流後遇邈多尊者爲之解曰寶山者吾身也泉涌者法無盡也日從屋出者汝今入道之象也照耀天地者汝智慧超越也尊者聞說歡喜而唱言巍巍七寶山常出智慧泉回爲真法咏能度諸有緣邈多尊者亦說偈言我法傳與汝當現大智慧金日從屋出照耀于天地尊者聞偈設禮奉持後至中印度國有八千大仙彌遮迦爲首聞尊者至率衆瞻禮曰昔與師同生梵天我遇仙人授我仙法師逢佛子修習禪那自此報分殊途已經六劫者曰支離累劫誠哉不虛今可捨邪歸正以入佛乘彌遮迦曰今幸相遇非夙緣耶願師慈悲令我解脫尊者即度出家授具乃告曰昔如來以大法藏密付迦葉展轉至我

我今付汝當護念之乃說偈曰通達本法心  
無法無非法悟了同未悟無心亦無法是爲  
五祖贊口

已悟本心如日照夜示生死夢光明超越  
師法本無我法不有以空合空舌不出口

六祖彌遮迦尊者傳

卷六

二十四

六祖彌遮迦尊者中印度人也既傳法已遊  
至北天竺國見雉堞之上有金色祥雲歎曰  
此道人氣也必有吾嗣乃入城關間有一  
人手持酒器逆而問曰師何方來欲往何所  
祖曰從自心來欲往無處曰識我手中物否  
祖曰此是觸器而負淨者曰師識我否祖曰  
我即不識識即非我乃謂之曰汝試自稱名  
氏吾當示汝本因彼人說偈曰我從無量劫  
至于生此國本姓頗羅墮名字婆須蜜祖曰

我師提多迦說世尊昔遊北印度語阿難言  
此國中我滅度後三百年有一聖人出姓頗  
羅墮名婆須蜜而于禪祖當獲第七世尊記  
此汝應出家彼乃置器禮師側立而言曰我  
思往劫嘗作檀那獻一如來寶座彼佛記我  
曰汝于賢劫釋迦法中宣傳至教今符師說  
願加度脫祖即爲披剃受具乃告之曰世尊  
所傳正法眼藏吾今付汝無令斷絕乃說偈  
曰無心無可得說得不名法若了心非心始  
解心心法是爲六祖贊曰

卷六

二十五

都因此來不爲別事關市相逢自示其器  
懸見未然蚤知今日當行買賣不論價值

七祖婆須蜜尊者傳

七祖婆須蜜尊者北天竺國人也姓頗羅墮  
此云捷疾利根常服淨衣執酒器遊行里闍

或吟或嘯人謂之狂及遇彌遮迦尊者宣如  
 來往誌自省前緣投器出家受法行化至迦  
 摩羅國廣興佛事于法座前忽有智者自稱  
 我名佛陀難提今與師論義祖曰仁者論即  
 不義義即不論若擬論義終非義論難提知  
 師義勝心即欽服曰我願求道霑甘露味祖  
 遂為剃度而受具戒告曰如來正法眼藏我  
 今付汝汝當護持乃說偈曰心同虛空界示  
 等虛空法證得虛空時無是無非法付法已  
 即入慈心三昧時梵王帝釋諸天俱來作禮  
 而說偈言賢劫衆聖祖而當第七位尊者哀  
 念我請為宣佛地尊者從三昧起示衆曰我  
 所得法而非有故若識佛地離有無故語訖  
 還入三昧是為七祖贊曰  
 從熟路來忽逢親友一言論義頓知本有

乞甘露味示虛空法若謂有得落七落八

重編八十八祖傳贊卷之一

音釋

構逆為切醉平 割居里切馮上聲 斲渠宜  
其求 覈下華切音 啞託合切音榻 廠牛居  
也 覈核驗也 啞啞然忘懷也 廠切音  
魚與 同